

# КОМСОМОЛОНЬ ВАЙГЯЛЪ

## Шись, конац сувай историяв

Июнь 26-це шистонза братский национальной республикатне великой русский народть мархта марса максось эсь вайгяльсон коммунистонь и беспартийнайнь сталинский блокть инкса, коммунистический партиять инкса, великой вожденьконь и учителеньконь Сталин ялгать инкса, Советский Союзть сяда товодонь оборонанц кемок-стаманц инкса, троцкистско-бухаринский гадинатнень илядыкс коря-нензон пощадафтома громиндамас-нон инкса, коммунистический об-ществать полнай торжестванц ин-кса.

Тя шись няфтезе, што минь странаньконь народоц синь марх-тост и Мордовский народсь бес-предельна преданнахть Ленинонь — Сталинонь партияти и Советский Союзти. Сон няфтезе, што Мор-довский народсь братский респуб-ликатнень и великой русский наро-дть мархта марса анокт любой мину-таста максомс сокрушительной от-порсанди, кие эцесь эсь тувонь ня-ренц минь советский моданьконь лангс, кие попытается посягнуть советский народть счастьящты. Советский народсь анокт партиять васенце тердеманц коряс, кда эря-ви максомс и эсь эряфонц счастли-вай и радостнай родинанц инкса.

Союзнай и Автономнай респуб-ликатнень Верховнай Советсонды выборхне пробудили инь оцю по-литический под'ем братский респ-убликань, а стаян жа Мордовиянь трудящай массатнень эряфсон и работаснон эса. Эрь гражданинц голосовандамок коммунистонь и беспартийнайнь Сталинский блокть инкса, сон васендакиге голосован-дась минь великой, несокрушимай родинаньконь инкса, Ленинонь — Сталинонь партиять инкса, вели-кой вождь Сталин ялгать инкса, ибо эрь гражданинц содасы, што коммунистический партиять и Ста-лин ялгать руководстванц ала Со-ветский Союзсь арась несокруши-майкс, могучайкс, обильнайкс, ра-достнайкс, культурнайкс и бога-тайкс. И тя шись, шись конац су-вай историяв нинге сяда пях сплот-тит трудящай массатнень комму-нистический партиять перьф, вели-кой вождь Сталин ялгать перьф.

Сталинский блокоть кандидатне, конатнень выдвинул народсь и конатнень инкса июнь 26-це шис-

тонза голосовандась народсь, синь ашихть народти слугакс сяс и на-родсь пред'являет тейст Сталин-ский требованят:

„штоба синь эсь работасост афольхть валгонда политический обывательхнень уровень, штоба синь ляткшнелхть Ленинский типса политический деятельхнень постсонды, штоба синь улелхть тяфтама-жа яснай и определенной деятелькс, кода Ленинец, штоба синь улелхть тяфтама-жа бес-страшнайкс бойса и народть вра-гонзонды бестрашнайкс, кодамокс ульсь Ленинец, штоба синь улелхть свободнайкс всякой па-никать эзда тяфтама всякой пани-кань кондымть эзда, мзярда тевсь ушеткшни осложнятьс я горизонт-са вырисовывается кодамовок опасность, штоба синь улелхть тяфтама свободнайкс, тяфтама фся-кай паникатнень эзда, кодамокс ульсь свободнай Ленинец, штоба синь улелхть тяфтама мудрайкс и неторопливайкс, кодамокс ульсь Ленинец, сложнай кизефкснень решандамста, коса эряви сембе ширьдень ориентация и сембе плюсеннь и минусеннь сембе ширьдень учета, кодамокс ульсь Ленинец, штоба синь улелхть тяфтама правдивайкс и честнайкс, кодамокс ульсь Ленинец, штоба синь тяфтама кельголезь эсь на-родснон, кода кельгондесе сонь Ленинец“.

Мордовский народсь счастливый и сяс, што сонь васенце избран-никоц великой вожденьке и учи-тельке Сталин ялгась и сонь ма-ластонь соратниконза: Молотов, Калинин, Каганович, Ворошилов, Ежов, Андреев, Жданов, Булганин ялгатне.

МАССР-нь Верховнай Совету де-путаткс народсь кочкась аф кржа одломатть сяс и минь, комсомолец-не и одломатне должеттама гор-дятся саян мархта, што Мордов-ский народсь доверил минь пред-ставителеньконди оцю и почетнай тев, выдвигандамок и кочкамок МАССР-нь Верховнай Совету де-путаткс.

Шумбра улеза коммунистонь и беспартийнайнь сталинский блоксь!

Шумбра улеза великой вождень-ке и учителеньке, конац вятса-мазь победаста-победас, Сталин ялгась!

## Радостнай шовдава

### Зыкова веле, Саранский район

5 частти шовдава избирательные фи-зьянь мельге мольсть избирательнай участкв.

Ровна 6 частта участковой комисси-ля председателсь азонткиннесы голо-совандамать ушодоманц. Васенце изби-рательнай бюллетень получазе Кировъ-лемса колхозонь председателсь Соф-ронов ялгась, сонь мельганза 65 кизоса колхозниксь Яков Ефимович Чагринъ.

Чагрин ялгась нежедемож избира-тельный урнать вакс бюллететнень пол-

дамста корхтай: «Мон голосовандан ро-динать вернай стирензон-цюранзон инкса, конатнень воспитандазень Лени-нонь — Сталинонь партиясь нят Иван Алексеевич Кузнецовсь и Гликерия Еф-ремовна Полежаевать инкса».

Тя участкаса 877 избирательхнень эз-да 11 частти молема голосованьяса при-масть участия 400 ломань.

Учендомань залса морасть патефон, гармония, радиось корхтай союзнай республикатнень эзда кулятнень колга.



Промышленный избирательный округ (Саранск)  
СНИМКАСА: 26-це № избирательной участкаса избирательхне получахть  
Сталин ялгать инкса голосовандамс избирательнай бюллететть.  
Фотось БАРАНОВТЬ.

## Величайшай радостьса голосовандасть великой Сталинть инкса

Июнь 26-це шиц — величайшай радостень ши. Тя шить мордовский народсь мзярдонга аф юкстасы. Вдь тя веселай и радостнай шиста мордовский народсь великой гор-достса кочкась РСФСР-нь и МАССР-нь Верховнай Совету депу-татт.

Республикаты столицац — Саранск ошсь наряжаф праздничнайста. Сембе вастова няят плакатт, ло-зункт. Сембе вастова нйсайть Мордовский АССР-нь Верховнай Совету депутатонди кандидатт Иосиф Виссарионович Сталин ял-гать портретонзон, конань инкса величайшай радостьса голосован-дась мордовский народсь марса минь родинаньконь сембе наро-донзон мархта.

Пях оцю и аф азовомшка радост-найхть и веселят Промышленной избирательнай округонь трудящай-хне. Вдь синь голосовандасть че-ловечествомудрай генийнц инк-са, минь кельгома вожденьконь, учителеньконь и родной алян-конь Иосиф Виссарионович Сталин ялгать инкса.

Времась нинге анышек 5 частт, а 26-це избирательнай участкав пуромсь ни лама ломань. Избира-тельхне величайшай радостьса и весельяса учихть ся пингть, мзяр-да ушеды голосованьясь.

Ровна 6 частса избирательнай участкаты председателец панже-

зень кенкшнень, поздравил изби-рательхнень великой всенароднай праздникть мархта. Ушедсь голо-сованьясь.

Пях оцю радостьса и гордостьса ушедсть молема избирательхне урнатненди. Вдь синь кядьсост бюллететть, коса сьорматф МАССР-нь Верховнай Совету депутатонди всенароднай кандидатсь Иосиф Виссарионович Сталин ялгась.

Аф азовомшка радостьса изби-рательхне ушедсть нолямош урна-ти бюллететтнень, синь голосован-дайхть веселя и радостнай эряфть инкса, конань максозе советский народти Сталин ялгась.

Вера Николаевна Чуприкова ял-гась мольсь избирательнай участ-кав 3 частса. Сон кандсь кядьсон-за паньчф букетт и мзярда васен-цесь нолдазень бюллетенензон урнатненди, паньчф букеттнень путозонь урнатнень лангс.

Тяда меле голосовандась 66 кизоса Филиппович Анна Иванов-нась. Нолдазе эсь бюллетенени А. И. Паршинъ, конанцы аны-шек аф кунара топодсь 18 кизот и сон голосовандась нинге анышек васенцеда.

Апак лотсек молихть урнатнен-ди избирательхне. Сембе синь эряскадыхть максомс эсь вайгяль-снон родной и кельгома вождень-конь Сталин ялгать инкса, конац макссь тейнек радостнай и веселя эряф.

## Голосованьясь йотась организованнайста

РЫБКИНО. Тя районца сембе 40 из-бирательнай участкитнень эзга ровна 6 частста уставась голосованьясь.

Шовдава 9 частти молема 18.386 из-бирательхнень эзда голосованьяса при-масть участия 7.535 избирательхть. Сембе избирательхне оцю воодушевле-ния мархта мольсть избирательнай поме-щенятнени, конат праздничнай наря-жафт. Синь молихть оцю колоннаса п

группаса. Эрь од и сире избирательсь эряскады, штоба сяда рана максомс эсь вайгяленц коммунистонь и беспартий-найнь блокть инкса.

Рыбинский участкв васенцетне мольсть голосовандама 60 кизоса кол-хозниксь Макар Антонович Маляковсь и 19 кизоса Алексей Степанович Чалда-



# ИЮНЬ 26-це ШИЦ—РАДОСТ



Промышленный избирательный округ (Саранск) 26-це № избирательной участка—1) избирательный участок общей видоц. 2) консервной комбинатонь стахановец-слесарь Петр Максимович Скворцов ялгась голосовандай Сталин ялгать инкса. Фотось БАРАНОВТЬ.

## Выборхненди састь сембе бригадаснон мархта

ЧАМЗИНКА. Выборонь шить районца трудящайхне васьфтезь кода всенароднай праздничнонь. Сембе зданиятне украшендафт плакатса, лозунгса и ст. тов. Фасатне апафт зеленца, стенатненъ эса ащихть кельгома вожденьконь Сталин ялгать и сонь соратниконзон портретса. Ушедомок 5 частса шовдава сембе ширде ушедеть сама избирательный участк избирательхне.

Чамзинский «Борьба за социализм» колхозть 2-це бригадань колхозниконза выборхненди састь сембе бригадаснон мархта, гармошка мархта, моронь моразь.

Избирательный участк 6 частти самс ульсь пашкее избирательда, коса морась патефон, гармошка и лия инструмент. Ровна 6 частса ушедсь голосовандамась, пажевсть избирательнай комнататненъ кенкшсна.

Сембень коряс инголе нолдазень бюллетень мархта конвертонзон Ротонв Николай Тимофеевичь, кона 40 кизотни работай железнодорожной транспортса. Конвертонзон нолдамста сон азозе: «Мон эсь вайгялезень максса, нинъ цебярь ломаненкса, конат преданнайхть минь родной Сталин ялганьконди.

## Избирательный урнатненъ ваксса

ЛАДА. Ладский 1—117-це № избирательный участка васенцесь голосовандась 65 кизоса колхозницась Анастасия Пригорьевна Бабушкинас. Сон мольсь участк нинге 4 частса шовдава. Сонь мельганза голосовандась комсомолкас Наташа Любимцевась, кона нинге первай примась участия выбора.

Фкя-фкянь мельге мольсь избирательхне избирательнай урнатненди. Шовдава 11 частти модем 887 избирательхненъ эзда примась участия голосования 715 избирательхть.

2—118 № избирательный участка васенце бюллетень получае Семен Андреевич Павловсь и сонь урвац Матрена Афанасьевна.

## Осуществили эсь праваснон

Кодак суват 6-це № избирательный участк помещениязонза, эс-такиге пови сельмозт сонь действительна праздничнай видоц. Помещения наряджафт плакатса, лозунгса, портретса и панчфса. Избирательхне нияхть сонь эсонза действительнай культурнай праздничнай вид.

Участковай избирательнай комиссиясь—сонь председатель Егорова, секретарь Баганов, довереннаец Смолин ялгатне лац аноклаз избирательнай кабинатненъ. Синь обеспеченахть карандашса и стак тов.

Шовдава 6 частса участковай избирательнай комиссиять председатель Егорова ялгась пажевсть избирательнай урнатненъ. Васенцесь избирательнай урнати мольсь 72 кизоса Евлантия Андреевна Богданова ялгась. Сон сась участковай избирательнай комиссиять помещения нинге 3 частса шовдава.

— «Тинць содасась, што особенно тяфтама оцю праздничнонь карша удомацевок аф сай—корхтай Богданова ялгась. Хочется, штоба сяда курокона максомс эсь вайгялценъ, осуществить эсь долгценъ: Вдь минь царский правать пингста вестенга ашеме нянде тяфтама свободнай и равнай кочкамат». Омбоце бюллетень нолдазе 71 кизоса Зубкова Мария Семеновна ялгась

Голосования аш кодамовок очередь. Агитаторхне Волков, Волкова и лия ялгатне кота частстакиге нинге пильге лангсот—якайхть

эсь избирательснон кудга сергаткшнесазь синь кочкама.

Агитаторсь Волкова ялгась эсь избирателензон организованна гармошка мархта тузень избирательнай урнатненди, конат кода фкя максозь эсь вайгялснон.

Агитаторсь Волков ялгась аноклазень эсь избирателензон стания, што 11 частти сембе голосовандась. Участкса улихть избирательхть, конат эсь калдяв шумбрашиснон сюнеда ашеть молев избирательнай помещениати, энялгасть участковай избирательнай комиссияти, штоба тейст эсь довереннайснон вельде максольхть конвертт бюллетень мархта и максольхть возможность осуществить эсь праваснон—кочкамс властень Верховнай оргатт. Няг больнохне стания-жа максозь эсь вайгялснон.

Замечательна оборудовандаф иденъ комнатась, сон наряджафт плакатса, лозунгса, портретса и панчфса.

Тя участка 3 избирательхть, конат нинге васенцеда голосовандайхть. Тя колмоть йоткса Ольга Идувардовна Юхневич ялгась, конац голосовандамстонза азсь оцю спасибо коммунистический партияти и Советский правительствати тя замечательнай правать инкса.

Помещения морай гармошка, патефон, выступает детский хор и стак тов—словом избирательнай помещениясь чувствуется действительна праздничнай настроения.

М. Сайгин.

## Народнай счастья

ИНСАР. Нинге рана шовдава празднична наряджафта избирательхне мольсь избирательнай участк, штоба пашкодемс эсь гражданский почетнай долгснон — голосовандаме коммунистонъ и беспартийнайнь сталинский блокть кандидатонзон инкса. Советский народть радостнай и счастливый зряфснон инкса. Великий Сталинть инкса.

Сембе избирательнай участкатненъ эзда голосованиясь мольсь организован

найста. Избирательхненъ настроениясна пашкотьфть оцю радостьса и счастья. Особай радостьса йотафтозь кочкамать Красно-Шадымский округса, коса МАССР-нь Верховнай Совету депутатонди кандидатс баллотируется Сталин ялгать соратникоц — Калинин М. И.

Голосовандамась мольсь оцю успеха. Васенце 2 часттненъ йотамс Инсарский районца сембе 5 округненъ эзда голосовандась 5372 избирательхть.

## Радостнайста васьфтинь всенароднай праздникть

Пяк маниель и сетмоль тя шись —июнь 26-це шиц,—корхтай 8-це № избирательный участка избирательсь Киселев Петр Филиппович. Мон стянъ нинге 4 частса, штоба сембодонга инголе модемс и нолдамс бюллетенезень мордовский народть вернай ломанензон инкса — Фоминть и Полежаева ялгатненъ инкса.

Аф меляфца, мязра мон стякшненъ тяфтама оцю радость и веселья мархта. Равакиге тунь избирательнай участк, штоба сембодонъ инголе голосовандамс.

Цебярьста монь васьфтеманъ избирательнай 8-це № участка участканъ довереннайсь Кузьмин ялгась. Патефонць морай советский замечательнай морхт. Монь мялезон сембода пях тусь, «Песнь о Сталине» морсь.

Вов избирателень группа, маладомок избирательнай участк кенкшензон малас, кода фкя ивадсь: «Шумбра улза Сталин ялгась! Ура!»

Пингсь малаткшни 6 частти. Сайхть и сайхть избирательхне.

Кулемок радио вельде Москуса Кремлевский башнять частонзон, Избирательсь Киселев Петр Филипповичь ашесь сембонь коряс инголе.

Вов ушедсь голосованиясь. Киселев гражданский войнанъ участниксь, сембодонъ инголе нолдазе бюллетененц. Сонь сатозе аф азомшка радость. Голосовандамда меле Петр Филипповичь ашесь кирдев мяштсонза радостец сон комотсь кштиме баянгь коряс.

9 частти самс 900 избирательхненъ эзда голосовандась 570 избирательхть.

65 кизоса атясь Котлов Сергей Ильичь, нолдамок бюллетененц, азозе эсь мяленц тяфта: «Ватта, конашкава радостна зряй советский народсь, конашкава счастливайхть одломаттне».

Волков.



# НЬ И СЧАСТЬЯНЬ ПРАЗДНИК

## Монь радостезе

Июнь 26-це шистонза Мордовияса голосовандасть васенцеда аф кржа одломатть, конатненди топодсь 18 киза. Синь, оцю радостьса голосовандамок коммунистонь и беспартийнайнь блокть инкса, голосовандасть эсь счастливай и радостнай эряфснот инкса, эсь вождьснот и родной альяснот Сталин ялгаты инкса.

—Тейне 18 киза. Июнь 26-це шистонза монь ульсь пяк оцю радостезе, изярда мон васенцеда получань бюллететть и нолдаине избирательнай урнатненди. Мон аф мяляфган тяфтама радостнай ши, кода июнь 26-це шиц. Тя шись тейне ульсь действительна радостнай праздникок, —корхтай Кочкуровань районот, Кочкурово велень 18 кизоса избирательницасть Кастеева М. ялгась.

Кастеева ялгась сядя тов корхтась, што сон нинге сядя цебарьста кармай работама колхозса и яляфнемс стахановский работань образецт.

Н.

Вас. Каргин.

## Инголи и тяти

Эрясь велесонок Взясь,  
Лангоц калдывста ульсь щаф.  
Козянь лама сталма каньсь,  
Нужать потмос ульсь кикаф.

Кулаксь лангонза сонь рахсесь,  
И работафтьс стака тефт.  
Ванять ирдесканзон мянцетфсь—  
Козянь тефне—стака кефт.  
Тяфта эрясь лама кизот,  
Мироедть кядьала ульсь.  
Ашельхть йофси сонь праванза—  
Дувондовсь ки лангонь пулькс.

\* \*

Лиякс арась тяти Ванясь:  
Козянь локшеть сатовсь пец.  
Саты! Козять ашусь ваньсь!  
Сембе эряфть трудяйт кядьс!  
Ванясь тяти лац работай,  
Прават ули сембе вастс.  
Оцю тевда сон аф потай,  
Сянкас кочкаф депутаткс!

Паксят лангса вишкста соказы  
Стахановский нормат тийсь.  
Аньдек тяфта, лац работазь  
Касы коллективнай вийсь!

1938 киза, Саранск Ош.



Лапшина Елена Осиповна—67 кизоса домохозяйка избиратель (Саранск ош).  
ФОТОСЬ Г. БАРАНОВТЬ.

## Атять счастьяц

Саранск ошень 5-це № избирательнай участкав июнь 26-це шистонза шовдава ранакиге пуромсть лама избирательхть. Синь сей састь сянкас, штоба васьфтемс тя всенароднай праздниконь шить, сянкас, штоба няфтемс эсь воляснот, йотафтомс эряфс эсь праваснот, конанц максозе тейст Сталинский Конституциясь, сянкас, штоба няфтемс эсь пеефтема преданностьснот Ленинонь—Сталинонь партияти, сянкас, штоба максомс эсь вайгяльснот коммунистонь и беспартийнайнь сталинский нерушимый блокть кандидатонзон инкса—Полежаева и Толстых ялгатнен инкса.

Счастьясь сембода инголи нолдамс эсь бюллетенензон урнати сатсь Попов—Преснов Иван Павлович ялгати. Тейнза 70 киза ни, но сонь якафоц, шамац особенно тя шиня ашетьс одонекс.

—Тяфтама Конституция, тяфтама избирательнай законт—корхтай Иван Павловичсь,—кодама минь Сталинский Конституцияньке и минь избирательнай законьке мон, йота эрян белай светса, ашень куленде. Мон мяляфтса, кода йотнесть выборхне оязоронь Россияса государственнай думатненди. Трудящайхнен, пугай ашельхть кодамовок правасна, тейст ашель кодамовок возможность, штоба кочкамс государственнай властен оргаттненди эсь представительснот. Выборхне эста ульсь многостепеннайхть. Выборщиконди кандидаттнен выдвигали эсь йоткост правящай классне.

Весть Нижней Ломовса спичечнай трестонь рабочайхне поручили тейне пуроптомс предвыборнай пуромкс, коза тердемс выборщикть, спичечнай трестонь азорт, конань инкса тейне эрявсь голосовандамс.

Приставти зняльтькшнемда меле пуромкссь удалась пуроптомс. Гяса лама полицейскийхть. Синь

ваныхть, штоба рабочайхне афольхть корхта „эря“, афолезь обижа выборщикть, фабриканть.

Вов ушедсь „выборщиконьке“ корхтама. Рабочайхне волновандайхть, сонь аф кулхондсаз, шум, каршезонза ивадема. Койкона рабочайхне пелезь выступают сонь кандидатуранц каршес, лишнайнь корхтамат пелихть.

Нижней Ломовонь трудящайхнен ламосна, кочат содасазь выборщиконди кандидатурать голосовандасть против, а сембе Пензенский уездса сонь кандидатурац йотась, сяс мес трудящайхне афолезь сода кинь инкса синь голосовандайхть. Тя фактьс корхтай синь колга, што царский правительствась полициять вельде ашезь макссе возможность трудящайхненди вятемс агитация выборщиконь выдвинутай кандидатурань каршес.

Тяни Сталинский Конституциясь тейне максозень сембонь. Монь, иднень, кода и СССР-нь сембе трудящайхнен, улихть сембе праваньке.

Нетрудоспособностенкса мон получен государсвать ширде пенсия. Иднень работайхть тейст кельгови специальностень работаса. Оцю цыоразе—средней школаса географиянь преподаватель, йолмась—НСШ-нь директор, стирезе работай стенографисткакс.

Да аш месь корхтамска,—азонды сядя тов Иван Павловичсь,—мон эрян валда, радостнай эряфса—тя тейнеглавнайсь. Тячи сатомань монь великай радость, мон сембода инголи нолдаине урнав бюллетенень и тя радостсь, счастьясь аф юкстави тейне куломозон.

Спасибо Сталин ялгати счастливай и радостнай эряфть инкса!—Аделазе корхтаманц Иван Павловичсь.

А.

## Высокай организованностьса

Радостнай оцю волнениятне, конатнен мархта избирательхне анокласть счастливай шить—26-це июнти, пяк яркайста няевсть тя шинь шовдаваста.

Железнодорожной округонь 20-це избирательнай участкоть помещенияц наряжаф праздничнайста. Сонь эсонза минь вожденьконь и родной альянконь Сталин ялгаты и сонь соратниконзон портретсна, лозункт и плакатт.

Шовдава нинге пяк рана, но избирательхне-рабочайхне и служащайхне, работницатне и домохозяйкатне, сиретне и отне ашетьс уда ни. Ветешка частса и сядя рана тифтень и группань-группа бодрайста и цебарьста наряжафста кармасть молема избирательнай участкав. Синь эздост кажнайсь эряскады, кодаба занямс васень очередьт.

Ровна 6 частса шовдава участковой избирательнай комиссиять председателец Резайкин ялгась избирательхненди азондозе, што сась ни вайгелень максома минутась, и избирательхнен сон сергядезень эсь высокаяй и пяк почетнай гражданский долгснот пяш-кодема—РСФСР-нь и МАССР-нь

Верховнай оргаттненди депутатонь кочкама.

Шрать вакс инь инголи молись аф пяк од ломань, но пяк бодрай и веселай. Сон ульсь МАССР-нь республиканский милициянь управлениять сотрудинок А. И. Кузнецов ялгась. Кузнецов ялгась пяк вежливайста регистраторти няфтезе эсь паспортонц и бережнайста регистраторть кядьста сясвскафта бюллететть и тняража конвертт.

Избирательхне фкя-фкянь йотазь и пяк аккуратнайста бюллететтнен мархта конверттнен новлязь избирательнай урнатненди.

Штоба избирательхненди афоль уль скучна, комиссиясь синдеест аноклазь цебарь, уютнай комната, конань эса ульсь лама газетат и книгат, шашкат и шахматт, патефотт и гармоньят. Торжественнай и радостнай праздниксь йотафть кштитзь-моразь и культурнайста.

20-це избирательнай участкоть эса голосованьясь йотась пяк дружнайста и высокаяй организованностьса.

Д.

Саранск ош.



Гуляев Николай Иванович—Саранск ошень средней школань ученикс, содейств топодсь 18 кизот. Васенцеда примай участия голосованьяса.  
ФОТОСЬ Г. БАРАНОВТЬ.

## 17-це № избирательнай участкаса

Саранск ошень 17-це № избирательнай участкаса нинге 5 частста и сядя рана ушедсь пуромома избирательхне. Синь щафт праздничнай шамса. Сембонь седисот желаниясна фкя—молемок избирательнай участкав получамс васенце бюллететть и васенцесь нолдамс избирательнай урнатненди эсь счастьяснот инкса, голосовандамс коммунистонь и беспартийнайнь сталинский нерушимый блокть инкса.

17-це № избирательнай участкав нинге веть 2 частста молись 80 кизоса Семен Семенович Булычевсь, конац аф азомшка радость мархта учсь 6 частть эса.

Сась аф учеви 6 частсь, избирательнай комиссиянь председательсь азонкшнесы голосованьять ушодоманц.

Тя минутать сембе избирательхнен мяльсост ся, штоба получамс васенце бюллететть и васенцесь максомс эсь вайгяленц.

Но васенце бюллететть получае Булычев ялгась, нежедемок избирательнай урнатнен вакс, нолдамок бюллететтнен азозе: „Мон голосовандан сталинский питомешнен инкса—коммунистонь и беспартийнайнь сталинский нерушимый блокть инкса, мон максса вайгялезень партиять инь цебарьстирензон—Полежаева и Журавлева ялгатнен инкса.

А тяфтажа и сембе избирательхне фкя-фкянь мельге получасть бюллететть и голосовандасть коммунистонь и беспартийнайнь сталинский блокть инкса.

Учемань залса ульсь шашкат, шахматт, книгат, газетат, гармонья. Избирательхне моравность газетат, налхксть шахматса.

А.



## Выборонь шить васьфтезь стахановский работаса

Радостна учсть Мордовский республикань трудяйхне июнь ковть 26-це шинь эса. Тя шись сембе ломаттненди ащи оцю торжественъ праздникокс. Эрь трудяйсь эрь сиресь и одсь тя шити цебярста анокласть сяс, месинь содазь, што тя шиня синь макссазь эсь вайгяльсон коммунистонь и беспартийнайнь ста линский блокть инкса. Ленинонь — Сталинонь партияти пefтема преданнай ломаттнень инкса.

Тя шить цебярста васьфтезь Рузаевский железнодорожной узелонь рабочайхне и работницатне.

Веть июнь 23—24 шистонза Чуприковть, Макаровать, Абдулкинать, Сударевать инициативаснон коряс 1-це паравозонь составительсь, сцепщиксь Барнинь, машинистсь Панин нормаснон пашкодезь 127 процентс. 2-це паравозсь, коса составительсь Ельмеевсь, сцепщиксь Анферовсь, машинистсь Зубаткинсь, нормаснон пашкодезь 129,8 %

Паравозонь од составительсь Афониный, сцепщиксь Кудрявцевсь, машинистсь Шмыгинсь нормаснон пашкодезь 131,5 процентс.

Паравозонь составительсь Сергеев ялгась, сцепщиксь Кочневсь, машинистсь Кулагинсь нормаснон пашкодезь 135,6 процентс.

Тяка жа сменаса отличнайста работасть сигналистсь Юдин ялгась

и сцепщиксь Кузинсь и Синягубинсь.

Июнь ковть 23-це шистонза омбоце сменань рабочайхне и работницатне эсь работасост няфтсь стахановский показательхть. 24-це частть самс синь примасть 16 поезтт. Составительсь бригадась работась брафтома и сембе правилатнень коряс.

Колмоце паравозонь составительсь Гусев ялгась сцепщиксь Наумовсь машинистсь Шмыгинсь эсь нормаснон пашкодезь 156 процентс.

1-це паравозонь сцепщикня Мезенцевсь, Кондратьевсь, машинистсь Плигинсь эсь нормаснон пашкодезь 124,9 процентс.

2-це паравозонь составительсь Медведевсь, сцепщиксь Красновсь, машинистсь Леоновсь нормаснон пашкодезь 124,9 процентс.

Пяк цебярста работась подержурнайсь Будылева ялгась.

Вагононь сьормадкшнись работась отличнайста. Вов кода васьфтезь Рузаевский машиннакинь рабочайхне тя счастливый и радостнай шить.

А июнь 26-це шистонза синь достойнайста и честь мархта максозь вайгяльсон советский правительствать главанц В. М. Молотов ялгать инкса и Резепов ялгать инкса.

И.

## Тяфта ваймосихть аныцек советский итне

Майть 5-це шистонза сергадемань вожатайсь и азозе, што мон молян ваймама Всесоюзной пионерский лагеря — „Артеку“. Мон васенда ашень веронда, но мзярда макссть тейне путевка, эста мон молень куду, кочкайне вешанень и тунь „Артеку“. Мордовияста тоза молюсь 10 ломатть, майть 8-це шистонза минь пачкодеме Москву. Москуса Деткомбинатса тейнектить медосмотр, и туме „Артеку“. „Артекса“ тейнек макссть артековский костюп, акша майка и трусат. Омбоце шинякига минь якама прогулкас „мертвой долинав“. Тя долинась ащи йофси минь лагереньконь фтала. „Артексь“, явондови колмова. Нижний лагерь, Верхний лагерь и Сдук — Су, коса мон и ваймосень. Минь лагерьсонк ульсь 12 отрядт. Мон улень 5-це отрядса. Пяк цебяр ульсь минь вожатаеньке — Нина Егоровась, отрядсонк мон улень горнистокс. Примсень активнай участия общественной эряфса. Отряднай стенгазетаса улень редколлегиянь членкс. Нолнеме газета „Аван-

гард“. Майть 28-це шистонза минь якаме походс. Туме 7 частта шовдава. Панда пряти куцемста минь сатомазь Верхний лагерень отрядсь, конац тейст усксь продуктат и радиоприемник.

Проводниккокс пандть пряс якай Асман казаксь. Сон азондсь легендат Лю-Дагеть колга. Тов молемонк ульсь цебяр. Инголи молюсь разведка, конац мельганза кадондсь интереснай сьорма.

Минь якаме катерса экскурсияс Чернай морять южной берякованза.

Мон цебярста ваймосень и кассь сталмозе колма килограммс Пионерский лагерьса ульсь йотафтф спартакиада, коса мон примань участия и зайняйне колмоце вастть.

Аныцек Советский Союзонь итне ваймосихть тяфта счастливыйста, тяфта радостнайста.

Саранск ошень 12-це № средний школань учениксь КАЛАШНИКОВ БОРЯСЬ.



Рузаевка ошень 6-це № избирательнай участкань избирательхне радостнайста и веселяста йотафтфозь выборхнень.

ФОТОСЬ КОРОЛЕВТЬ.



Рузаевка ошень 7-це № избирательнай участкань избирательхне кочкамада меле культурнайста йотафтфозь эсь пингснон.

ФОТОСЬ КОРОЛЕВТЬ.

## Радостень и счастья нь ши

Сась ся оцю праздниксь, конанц эса учсть Мордовиянь граждатне — тя июнь ковть 26-це шиц. Рузаевка ошсь тя шиня ульсь пяк цебярста наряжаф лозунгса, партиять и правительствать руководителензон портретснон мархта. Шовдава 5 частта ошть эзга автомашинаса арнесть агитгруппат, конат морасть участкатнень эса лама морхт. Духовой оркестрать вишке вайгялец нинге сядя пяк касфнезень избирательхнень мяльснон, нинге сядя курокона йорасть молемс избирательнай участкань и максомс эсь вайгяльсон Советский правительствать главанц Вячеслав Михайлович Молотовть инкса и Иван Тимофеевич Резеповть инкса, большевистский партиять вернай и надежной цьоранзон инкса.

Избирательнай участкатнень эса ульсь идень комнатат, буфет. 1-це № избирательнай участкань избирательхненди няфтьф кинокартина „Город Ленина“, коса ульсь 300-шка избиратель.

Стройса организованнайста, плакат, депутатонди кандидаттнень портретснон, гармошка мархта сасьть участкань 3-це № избирательнай участкань избирательхне.

Молюсь избирательнай участкань од ломатть, молюсь бабат, атят, штоба пашкодемс эсь граждандский долгснон, штоба максомс эсь вайгяльсон странать инь лучшей стирензон и цьоранзон инкса.

Вов састь избирательхне, пингськота частт. Васенце бюллетенть сявозе од избирательсь Красношеев ялгась, конанц шамац пеедезь няфнезе сонь пefтема радостени и счастья нь.

Урнав бюллететтнень нолдамаста азозе: „Тейне аф кунара топодсь 18 кизот, васенцеда голосовандан“. И сонь мекольдень валонза кепсезень избирательхнень радостснон.

— „Голосовандан Молотов ялгать инкса, счастливый и радостнай эряфть инкса“ — корхтась сядатов Красношеевсь.

Тя илядыне Рузаевкаса жалназь-жалнась кенянтф ломаттнень вайгяльсна, конат моразь, кштизь-яксть паркт эзга. Тя шись ульсь праздникокс аф аныцек избирательхненди, но ульсь пяк оцю праздникокс итненди. Эрь пионерсь, эрь школьниксь цебярста содазе, што сонь родителенза, што сонь братонза, сестранза голосовандайхть синь цебярь настоящайснон и замечательнай будущайснон инкса.

Эрь одломанць, эрь сиресь содасы, што сон голосовандай коммунистонь и беспартийнайнь нерушимай блокть инкса, сяс и синь-тяшкава радостнайста максозь эсь вайгяльсон выдвинутай кандидаттнень инкса.

И. Белов.

## Отличнайста тонафнень и отличнайста вайманы

Школаса мон лувондовонь отличниккокс и примосень активнай участия общественной эряфса. Мон упорнайста аноклань испытаниятненди аф аныцек монць, но и аноклайне эсь ялганеньге, конат максозь испытаниятнень цебярста.

И вов сась пингсь, мзярда монь цебярста тонафнемазень инкса и общественной работанкса прважамазь ваймама. Ардомста мон жаднайста ванонь вагон вальмава йотави веленятнень, ошень лангс.

Пачкодеме „Артеку“. Минь тоса васьфтемазь пяк цебярста. Всесоюзной пионерский лагерьса, улемать мон лувондса оцю счастьякс. Сей састь минь союзстонк инь цебяр пионерхне и школьникне.

„Артекса“ васендакиге познакомили детский технический стан-

циять мархта. Тоса минь сдали обороннай значоконди норматнень. Тяни минь улихть колма значоконьке.

Цебяр крымский природась. Тяфтама природнай условияса ваймамазь возможнай аныцек минь странасонк.

„Артекса“ мон отличнайста вайманы и сай учебнай кизоть отличнайста карман тонафнема.

Спасиба Сталин ялгати, партияти и правительствати счастливый юность инкса!

Лямбирский р-н. Лямбирский школань учениксь САТУЧИН КОЛЯСЬ.

Ответ. редакторть инкса  
Н. АЛЕМАЕВ.